



Novas ediziuns per uffants e giuvenils

■ (LR) La Lia Rumantscha ha edì dus novs cudeschs per uffants e giuvenils: «La notg dals set giavischs» en rumantsch grischun respectivamain sur-silvan e vallader per il stgalim bass, e «Ti mo baiva, sche ti manegias!» en rumantsch grischun per il stgalim aut.

La notg dals set giavischs

Kolja survegn damaun set onns. Tge bell! Avais Vus savì ch'ins ha da bun uschè blers giavischs sco ch'ins è vegl? – Kolja giavischa in chaun, e già litga ina lieunga gruglia sia fatscha. Ma el giavischa era anc insatge per ses bab, per sia mamma

e per ses frars. Uschia cumenza per tut la famiglia in viadi magic tras il mund dals siemis e giavischs.

L'autura *Marjaleena Lembcke* maina ils lecturs en in mund da fantasia, in mund fascinante e fantastic che lascha semiar. Il cudesch è adattà sco lectura per uffants dal stgalim bass e bass/mesaun, ma era per preleger.

Ti mo baiva, sche ti manegias!

La segunda ediziun che la Lia Rumantscha preschenta tracta in tema fitg actual: la giuventetgna e l'alcohol. L'autura *Annette Weber* descriva questa temati-

ca en furma captivanta, curta e concisa. Il cudesch è adattà per giuvenils dal stgalim aut, ma era sco lectura en classa.

Martina va dapi quatter emnas cun Tomas. El è si'emprima gronda amur. Ma Tomas è alcoholicher. El n'ha mai raps e di trasora manzegas. E tuttina spera Martina da dumagnar davent el da la buttiglia. Tomas na para dentant betg d'aprezziar ses agid. Qua inscuntra Martina Richard...

Ils cudeschs pon vegnir cumprads tar la Lia Rumantscha ed en las librerias che vendan cudeschs rumantschs per il pretsch da mintgamai 11 francs.